## АЖРИМ

(даъво аризасини кўрмасдан қолдириш тўгрисида)

## Каттақўрғон туман

2024 йил 3 июнь

Каттақўрғон туманлараро иқтисодий суди судьяси М.Тоғаев раислигида, судья ёрдамчиси Ж.Сагдуллаевни суд мажлиси котиблигида, Пахтачи туман фермер, деҳқон хўжалиги ва томорқа ер эгалари кенгашининг даъвогар "Eshquvatov G'ulom yerlari" фермер хўжалиги манфаатида жавобгар "Paxtachi klaster" масъулияти чекланган жамиятига нисбатан берган даъво аризаси асосида қўзғатилган иқтисодий ишни, жавобгар вакили Ш.Рахимов (ишончнома асосида)ни иштирокида, ўз биносида ўтказилган очиқ суд мажлиси муҳокамасида кўриб чиқиб, қуйидагиларни

## Аниклади:

Пахтачи туман фермер, деҳқон ҳўжалиги ва томорқа ер эгалари кенгаши даъвогар "Eshquvatov G'ulom yerlari" фермер ҳўжалиги манфаатида Каттақўрғон туманлараро иқтисодий судига даъво аризаси билан мурожаат қилиб, жавобгар "Paxtachi klaster" масъулияти чекланган жамиятидан 25 193 827 сўм 1.01 коэффицинт ҳақдорликни ундиришни сўраган.

Ишни кўриш вакти ва жойи тўгрисида тегишли тартибда хабардор қилинган кенгаш ва даъвогар суд мажлисига келмади ҳамда вакил(лар)и иштирокини таъминламади. Бу ҳолатда суд, Ўзбекистон Республикасининг Иқтисодий процессуал кодекси 170-моддасига асосан, ишни унда мавжуд материаллар асосида кенгаш ва даъвогар вакил(лар)и иштирокисиз кўришни лозим топади.

Суд мажлисида иштирок этган жавобгар вакили даъвогар суд мажлисига келмаганлиги сабабли, даъвогарнинг даъво аризасини кўрмасдан колдиришни сўради.

Суд, жавобгар вакилининг фикрини тинглаб, ишдаги мавжуд хужжатларни ўрганиб чиқиб, қуйидагиларга асосан даъвогарнинг даъво аризасини кўрмасдан қолдиришни лозим топади.

Суднинг 2024 йил 16 майдаги даъво аризасини иш юритишга қабул қилиш ва ишни суд муҳокамасига тайёрлаш тўғрисидаги ажримига асосан мазкур иктисодий иш 2024 йил 03 июнь куни соат 11:10да Каттақўрғон туманлараро иктисодий суди биносида, (Kattaqo'rg'on tumani, Kadan q., Mustaqillik ko'chasi, 33-иу) бўладиган очиқ суд мажлиси муҳокамасида кўриб чиқиш учун тайинланган.

Суднинг мазкур ажрими тарафларга, хусусан Пахтачи туман фермер, деҳқон хужалиги ва томорқа ер эгалари кенгаши ва даъвогарга электрон шаклда почта алоқа булими орқали юборилган ва Пахтачи туман фермер, деҳқон хужалиги ва томорқа ер эгалари кенгаши томонидан 2024 йил 21 май куни соат 19:00 да ҳамда даъвогар томонидан 2024 йил 21 май куни соат 19:00 да ҳабул ҳилинган.

Бирок, Пахтачи туман фермер, дехкон хўжалиги ва томорка ер эгалари кенгаши ва даъвогар ишни кўриш вакти ва жойи хакида тегишли равишда хабардор бўлса-да, суд мажлисига номаълум сабабларга кўра келмади, ишни ўзининг иштирокисиз кўриб чикишга розилик бермади.

Ўзбекистон Республикасининг Иқтисодий процессуал кодекси 107-моддасининг 6-бандига кўра, агар даъвогар биринчи суд мажлисига келмаган

ва ишни ўзининг иштирокисиз кўрилиши тўгрисида арз қилмаган бўлса, суд даъвони кўрмасдан қолдиради.

Бундай ҳолатда суд, даъвогарнинг даъво аризасини кўрмасдан қолдиришни лозим топади.

Ўзбекистон Республикасининг Иқтисодий процессуал кодекси 109-моддасига асосан, даъво аризасини кўрмасдан қолдириш учун асос бўлиб хизмат қилган ҳолатлар бартараф этилганидан кейин даъвогар судга даъво аризаси билан умумий тартибда янгидан мурожаат қилишга ҳақли.

Ўзбекистон Республикасининг "Давлат божи тўгрисида" ги Қонунига кўра Кенгашнинг давлат божи тўловидан озодлигини инобатга олишни ва почта харажатларини зиммасида қолдиришни лозим топди

Юқоридагиларга асосан, Ўзбекистон Республикасининг Иқтисодий процессуал кодекси 107-моддасининг 6-банди, 108, 109, 118, 195-моддаларини қўллаб, суд

## Ажрим килди:

Пахтачи туман фермер, деҳқон ҳўжалиги ва томорқа ер эгалари кенгаши даъвогар "Eshquvatov G'ulom yerlari" фермер ҳўжалиги манфаатида жавобгар "Paxtachi klaster" масъулияти чекланган жамиятидан 25 193 827 сўм 1.01 коэффицинт ҳақдорликни ундириш тўғрисида 2024 йил 7 майдаги 119-сонли даъво аризаси кўрмасдан қолдирилсин.

Олдиндан тўлаб чиқилган 34 000 сўм почта харажати даъвогар "Eshquvatov G'ulom yerlari" фермер хўжалиги зиммасида қолдирилсин.

Ажримдан норози бўлган тарафлар Каттақўрғон туманлараро иктисодий суди орқали Самарқанд вилоят судига шикоят қилиниши (протест келтириш) мумкин.

Судья М.Тоғаев

